



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola LXXXIII. Gregorii Papae I. Ad Anatolivm Diaconvm
Constantinopolitanvm. Marcellinum commendat.

urn:nbn:de:hbz:466:1-15221

mus, exegit. Cuius carissimam voluntatem nec pertulimus nec potuimus contristare.

EPISTOLA LXXXIII.
GREGORII PAPÆ I.

AD ANATOLIVM DIACONVM CONSTANTINOPOLITANVM.

Marcellinum commendat.

Gregorius Anatolio diacono Constantinopolitano.

BONIS deuotisque filiis ita nos opere dignum est respondere, vt quia debitum reddimus, id quod vltro nos conuenit impendere, duplicemus. Quia igitur lator præsentium filius noster magnificus Marcellinus sic in causa se fratris & coepiscopi Maximi atque Istricorum exhibuit, & in ecclesiæ nostræ vtilitates festinat impendere, vt sinceritatis suæ affectum non solum verbis, sed etiam opere magis magisque valeat demonstrare; idcirco dilectionem tuam his hortamur affatibus, vt ei in vrbe regia venienti toto studio totaque intentione concurras, atque eum ita in omnibus tuis studeas solatiis adiuuare, vt omnipotentis Dei actus fultus auxiliis, minus illic debeat laborare. Quem etiam ita sicut reuera nostrum proprium attendere, atque ei affectum tuæ caritatis in omnibus studebis impendere; quatenus & de præteritis sibi vicem redditam recognoscat, & magnam de futuro deuotionis suæ, quam se ecclesiasticis exhibere vtilitatibus pollicetur, spem possit retributionis assumere. Quoniam vero, quantum didicimus, prædictum magnificum filium nostrum serenissimus dominus imperator ad sua sub festinatione iusserat vestigia properare, quæ sita opportunitate inferre te conuenit; quia non inobedientiæ culpa, sed fratris & coepiscopi nostri Maximi eum causa retinuit. Quæ, etsi tarde, finem tamen eo studente percepit. Hoc autem dilectionem tuam volumus solícite attendere, ne se in quacumque causa, vbi grauamen est pauperum, misceri consentiat; ne forte potentia personarum aliquatenus pressus, cogatur agere quod animæ illius non possit expedire. Cuncta ergo cum Dei timore tractantes æternam maxime mercedem perpendite.

Concil. Tom. 13.

Tttt ij